

23 *Leu^e 1819* 11. *Paris 1712* 1 *dit*
LET TRE
DE LA ROYNE
M E R E.

ET LA RESPONCE
du Roy.



Fam. Ber

A PARIS,
Par Pierre Froment.

M. DC. XIX.

Avec privilege du Roy.

THE NEWBERRY
LIBRARY

Case

F

39

1326

1619mar



LETTRE DE LA
Royne mere,

AV ROY.

MONSIEVR mon fils, l'ay
laissé opprimer l'og temps
mon honneur & ma liberté, & ay
supporté de fortes apprehensions
de ma vie; & ce qui m'estoit plus
sensible, c'estoit la priuation de
vostre veüe. Estant tout ce qui
s'est faict en quelque façon autho-
risé de vostre nom, avec la mesme
patience i'eusse veu l'aduenir, sans
chercher pour mon particulier si
vos volontez estoient bien ou mal

A ij

cōseillees: mais estant à mon grād regret informee du manifeste peril où sont vos affaires, sil n'est biē tost sceu & cogneu de vous, ie me suis resoluë de me mettre en lieu seur, afin qu'y estant libre ie vous puisse faire entēdre ce qui m'estoit impossible dans la puissance de ceux qui le vous cachēt, selon que les plus grāds de vostre Royaume, & du dehors encores, m'ont avec mille protestations conseilee. A cēt effect ie me suis portee à vne sortie perilleuse, & ay prié mon cousin le Duc d'Espéron, de me permettre de me retirer dans Angoulesme, où ie m'en vay par la veritable cognoissance que i'ay de la fidelité & affection qu'il a à vostre bon service, & par la plus ancienne que le Roy vostre pere, de

tres-heureuse memoire, mon seigneur & mary, m'en a donnee, iusques à me commander sur ses derniers iours, de me confier & seruir entierement de sa probité & prudence en vos plus importantes affaires, & pour les miennes particuliers, si i'en pouuois auoir separees des vostres: ce qu'ayant faict pour vostre bien, & pour vous esmouuoir à remedier aux inconueniens qui le pourroit troubler, ie me promets que vous approuuerez ma resolution, & trouuerez bon que ie vous conue à cela par les affections les plus tendres d'une bonne mere, & par les devoirs plus veritables qu'une fidele sujette vous peut rendre, vous asseurant que vous ferez grandement pour vous, & m'obligerez extrêmement si

vous me dōnez le moyen & la forme qu'il vous plaist que ie tiennē pour vōus le faire sçauoir sans haynē & sans ambition , ce que ie dois afin de voir vōstre regne heureux, & vōstre Royaume en repos , & d'estre recognuē de n'auoir eu au passé, n'y au present, ny à l'aduenir, autre but que vōstre seruice, pour lequel non seulement i'oubli- ray tous mes desplaisirs : mais ie sacrifieray tres-volontiers ma liberté & ma vie, quand le bon conseil que vous deuez auoir où vous mesmes les iugerez vtile. Le delay ne peut apporter que de l'impossibilité aux remedes , lesquels sont maintenant faciles, seurs, & honorables , comme ie vous feray cognoistre avec toutes sortes de sincerité, & de respect, & avec prote-

station de ne point desirer apres
aucune autorité dans la conduite
de vos affaires : car comme ie m'en
suis meslée avec beaucoup de peril
& de peine durant vostre bas aage,
selon que i'y estois obligee : aussi à
ceste heure ie n'y pretens auoir au-
tre part que la gloire de les voir re-
gir par vous mesme, avec la digni-
té & autorité qui vous est deuë, &
me resiouyr comme ie voudrois
desia pouuoir faire, oyant chacun
content de vostre regne, prescher
vos vertus & vos loüanges en tel
lieu que vous voudrez que i'ache-
ue le reste de mes iours. Priant
Dieu, comme ie fais continuelle-
ment, avec le plus passionné senti-
ment de mon cœur pour vostre
prosperité & de tout vostre Roy-
aume, estant veritablement au

dernier degré de fidelité & d'affection.

Monſieur mon fils,

*Vostre tres-humble & affection-
née mere & ſujette.*

M A R I E.

A Locke, le 23.
Feurier.